

Aweka watoto rehani kukomboa ng'ombe wake

Na Romana Mallya

Mfugaji Lenina Saturo, amesimulia huku akitokwa na machozi namna ambavyo alilazimika kuaweka watoto wake wa kike rehani ili aendeshe kesi ya kugomboa ng'ombe wake 311.

Saturo alisimulia kuwa baada ya mifugo yake kukamatwa kwa madai kuwa imeingia hifadhi ya ...kesi ilipelekwa mahakamani.

Alisema baada ya hukumu kutoka Oktoba 3, mwaka 2018 hadi sasa hajapata mifugo yake na kujikuta akibaki peke yake baada ya wake zake kurudi kwao na watoto wakiwa rehani.

Saturo alisimulia kuwa akiwa hospitalini akiuguza majeraha baada ya ajali aliyoipata, huku nyuma ng'ombe zake 311 zilikamatwa.

"Wadogo zangu na watoto waliokuwa nyumbani siku hiyo ndiyo waliosaidia, kwa sababu nilikuwa hospitali, baada ya ng'ombe kukosekana siku moja ndipo wakasema zimeibiwa na baadaye zilikutwa katika Wilaya ya Kondo na kusema zimekamatwa kwenye hifadhi," alisema.

Alisema vijana waliokuwa wakifutilia mifugo hiyo nao walikamatwa kwa madai kuwa walichunga kwenye hifadhi.

"Baada ya kufuataliwa Kondo ikabainika hazikuingia kwenye hifadhi au kama ziliingia

kule ni mbali, Mahakama ya Wilaya ya Kondo iliamuru ziachiliwe na vijana waachiwe.

"Meneja alikata rufani kuja Dodoma na hukumu ilitoka Oktoba 3, mwaka 2018 mpaka leo sijapata mifugo yangu, nilipofutilia mahakamani, waliitwa Mwendesha Mashtaka atoe vielelezi yya kuachia ng'ombe na hakuja.

Alisema waliiitwa na Mbunge wa Kiteto, ambae aliwataka wakachukue ng'ombe wao.

"Tukaambiya kwamba ng'ombe wamekwenda kuhesabiwa na kati ya ng'ombe 311 walibaki 197, nina wake sita na watoto 43," alisema.

Saturo alisema alijaribu kufutilia kesi hiyo, lakinii imeshindikiana kwa sababu hana nguvu hajabaki na chochote.

Ali sema watoto amewapeleka kwa ndugu zake na wake zake wametoroka kwenda kwao na mifugo yake hajaipata hadi sasa.

"Nikashindwa sina nguvu tena kwa sababu fedha niliyokuwa ninaendeshea kesi ilikuwa na riba nikawa nauza watoto," alisema.

Saturo akisimulia huku akitokwa na machozi, alisema alikuwa akiuza watoto wake wadogo ili alipe riba na hajafanikiwa kupata ng'ombe. "Ninapenda kuonana na Rais (John Magufuli), kwa sababu ninajua ni mtetezi wa wanyonge ninajua anajua walemavu na watoto yatima anawajua, ninamuomba kwa

sababu huku hakuna haki.

"Niliposhinda kesi nilijua ni chombo cha haki, ninapenda kumuona Rais kama sijamuna ni bora ninywe sumu kwa sababu sina nguvu tena, ninajua Rais ni baba yetu tunamtegemea anajua wafugaji na watu wenye walemavu na wanyonge. Kama atanisaidia ili nipate hata kidogo ili nikawakusanye watoto wangu."

Wakati Saturo akieleza hayo, Chama cha Wafugaji Tanzania (CCWT), kimeeleza ukiukwaji wa sheria na uonevu unaofanya na mamlaka za hifadhi dhidi ya mifugo ambapo hadi sasa iliyotafishwa ni 1,955 na iliyouawa ni zaidi 5,000.

Kupitia tamko lao walilolitoa jana kwa pamoa na kusainiwa na Mwenyekiti wa CCWT, George Bajuta na Katibu Mkuu Magembe Makoye, wafugaji wamekuwa wakikabiliwa na changamoto hizo.

"Kumekuwa na utafishaji wa mifugo usizingatia sheria katika hifadhi mbalimbali za misitu na za wanyamapori ambao umesababisha umaskini na mateso kwa wafugaji," waliseema.

Viongozi hao walisema kuwa utafishaji huo umefanya maeneo mbalimbali nichini licha ya baadhi ya kesi zikiwa mahakamani na nyiningine wafugaji wakiwa wameshinda.

